



partii naleraq

UKA 2016/126-01

28-09-2016

Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisissaattut nr. xx u xx 2016-imeersumut siunnersuut. (Uumasogatigiinnik eqqussinerup malittarisassaqtitaanera)

(Aalisarnermut, Piniarnermut Nunalerinermullu Naalakkersuisoq)

Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisissaattut nr. xx u xx 2016-imeersumut siunnersuut. (Uumasogatigiinnik eqqussinerup malittarisassaqtitaanera) Partii Naleraq sinnerlugu imannak oqaaseqarfigissuarput.

Aallaqqaasiullugu oqaatigissuarput, siunnersuut tamakkiisumik taperseratsigu, tassami uumasut sulluunniit nappaataannik inunnut tunillaassuussinnaasunik pinngitsoortitsiniarneq tamarmiulluta ikioqatigiiffisariaqaratsigu.

Taamaammat aamma ilisimatuussutsikkut paasisat nunatsinneersut katersornissaat atorluarneqarnissaallu pimoorunnerusariaqaripput isumaqarpugut.

Ullumikkut uumasut nappaataat nunatsinni naluneqannginnerpaat inunnut tunillaassinnaasut tassaapput, perlerorneq, trikinit aamma ukuni kingullerni tusarsaasalersoq, Salmonella.

Trikinit uani ilannguppugut, tassa nalunnginnatsigu nunatsinni uumasut trikin-illit qangaaniilli aamma assut mianersuunneqartartut, taakkuami aamma inunnut tunillaattarmata napparsimalersitsisarlutillu.

Ukiuni kingullerni terianniat naajallu piniagaanerat annikillerujussuarnikuusoq nalunngilarput. Aamma nalunngilarput terianniat siusinnerusumut sanilliullugu inoqarfinnut qaninniarnerulersimasut, ilaatigullumi uumasuutinut inunnullu ulorianartorsiortitsisinnaasartut, tassami uumasut taakku naluneqanngitsutut perlerornermik nappaateqartartut ilisimaneqarmat.

Aamma naluneqanngilaq naajat tulukkallu aamma inoqarfinnut qanillisimasorujussuit, ilami allaat eqqaaveqarfinni ilaqutariillu eqqaaviinik serlersaarisaneerat ajornartorsiutaalersimalluni.

Immaqa suli tamakkiisumik ilisimatuussutsikkut ilisimaneqanngilaq, naajat tulukkallu uumasut nappaataannik inunnut ulorianartorsiortitsisinnaanersut ?

Isumaqarpugut, ajornartorsiutit ajornartorsiutaaratarsinnaasullu akiorneqarluarsinnaatillugit sioqqutsisumik iliuuseqarsinnaaneq eqqumaffigineqarnerusariaqartoq.

Tassami maannakkut naluneqanngereerpoq, naajat tulukkallu inuit panertuliaannik serlersaarisartut aamma ilanngartuisartut. Takorloorneqarsinnaavoq, teriarsuit terissallu aamma eqqaavissiortunut ilaammata taakku nappaatinik siaruarterisinnaanerat aarloqqutigineqartartoq, qanorlimi naajat tulukkallu aamma inoqarfinnut qanillingaluttuinnartut, napparsimalersitsinissamut navianaateqarsinnaatigaat ?

Taama naatsumik oqaaseqarluta siunnersuut taperserparput, suliallu aappassaanneerpeqannginnerani peqqissutsimut ataatsimiititaliami suliarineqarnissaa inassutigalugu.